

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XIII

urn:nbn:de:bsz:31-97032

quiddam emittit de gutture, ut aër supra caput inficiatur, & ab aliis haustus vocis auferat usum, lethalesque convulsiones inducat. Rem ita esse, per Marii milites cognitum. Cum enim feram esse putarent ovem, strictis in eam repetitis vicibus incurrere gladiis: sed necati naturam detexere belluæ. Occisa post per Nomaes equites, & ad Marium adducta est.

CAPUT XIII.

DE CYNOCEPHALO,
& CHAMÆLEONTE.

Cynocephalus animal est capite canino, forma hominis, piscationis peritissimum; toto enim die aquæ immersum, cum magna piscium copia emergit. Veste indui mitissime gaudet, hominum nulli nocet. Indorum linguam intelligit, boves denique lactis causa mansuete pascit *Plin. l. 7. c. 2. Strabo l. 15.* Duo in eo maxime mira. Primo, quod duobus anni æquinoctiis, duodecies in die, per singulas horas urinam reddit, noctu idem faciendo. *Precios. Iohan. in Epist. ad R. P.* Vnde imago apud Ægyptios Cynocephali in horologiis urinam mittentis. Alterum est, quod ubi aliquanto tempore Luna cum Sole congregiendiens, exera est luminis, mas nequicquam intuetur, nec vescitur sed demisso in terram persistit vultu: femina etiam nusquam oculos contorquet, misso insuper è genitali vase semine. Ideo adhæc usque tempora in sacris nutriuntur, ut Solis & Lunæ conjunctionis ex iis cognosci possit tempus. *Chamæleontem* Africa gignit, frequentiore India. *Quinque* digitos in pedibus habere dicitur, quibus stat passis, curvat eos ubi teretibus incumbit furculis. Mutat colorem subinde, & oculis & cauda & toto corpore; redditque semper, quemcunque proxime attingit, præter rubrum candidumque; defuncto pallor inest. *Plin.* Aërem illi aliquando pro cibo certum est. Nam & annum integrum inedia tolerat, & excepta hiatu aura, clausisque malis

tur-

turgidum ventrem ostentat. Fuere, qui obversum ad solem haurire radios, eosque hiantem sequi dicerent. Muscas venari ex Zandio habemus, qui etiam addit dissectam à se linguam palmi inventam longitudine, cavam & inanem; in summa acetabulum cum mucoco; hoc tulisse prædam. *Card. de subtil. Alexander Myndius* contra famelici serpentis impetum sic se munire ait. *Festucam bene latam & validam tenet, sub qua ceu clypeo se versans contra hostem serpentem venit. Serpens, quia festuca lasior est, quam oris biatu ab eo separari possit, & chameleontis membra reliqua firmiora, quam ut morsibus ladatur frustra se fatigat.*

CAPUT XIV.

DE CROCODILO.

Crocodilos Ægyptus alit, sed non æquè noxios. Furibundi versus montana, à Cairo ad mare mites; piscium illud facit defectus, præmium hoc occisi. Cuique enim, grandiozem in urbem deferenti, decem aurei nummi numerantur de fisco. Nilo etiam ad alveum deducto, fame pressi in insidiis luto obvoluti latent, accedentes cauda percussos strangulant. Tantum in ictu robur, ut quatuor grandioris animalis crura, uno perfrerit. *Martyr.* Vnum ovum anferis edunt magnitudine; ad maximum tamen incrementum, minima origine decurrunt. Duodeviginti pleurumque excedunt cubitos. Psammetichi tempore viginti & quinque. Viginti sex Amasidis. *Plin.* Legitimum iudicant fortum, si quid simul atque exclusus est rapuerit. *Ælian.* Lingua eis adhæret tora, causa apud *Arist. l. 2. de partibus anim. c. 7.* Satellitem ejus trochilus agit, hostem Tentyritæ. Discutit ille dormienti somnum, Ichneumonis ubi conspexit insidias, & intra patulas fauces admissus, intra septa dentium rostro excerpit carnes; quando avolare debeat, inclinata superiori mandibula præmonetur *Plutar. Plin. 8. 25.* Flumini hi innatant, dorsoque equitantium modo im-